


26919

~~30~~

四十八





資治通鑑節要續編卷之二十一



元

泰定皇帝

名也。孫帖木兒。顯宗甘麻剌之長子。裕宗之嫡孫也。初世祖以第四子。那木罕

為北安王鎮北。遠王卒。顯宗以長孫封晉王。代之。帝生於晉邸。大德六年。晉王卒。襲爵焉。是為嗣晉王。英宗遇弒。以支庶入繼正統。泰定二年。息州民郭菩薩言。獨勒佛當有天下。討捕誅之。

在位五年

壽三十六

甲子泰定元年春正月。群臣請立皇太



子○召親王圖帖睦爾于瓊州。阿木哥于大同○二月。江浙行省左丞趙簡請開經筵。擇師傅令太子及諸王大臣子孫受學。遂命平章政事張瑄。翰林承旨忽都魯都兒迷失。學士吳澄。集賢直學士鄧文原進講。命右丞相也先鐵木兒領之。所講者。帝範。資治通鑑。大學衍義。貞觀政要諸書○三月。廷試進士。賜八速。張益等八十四人及第。出身有差○

命進講  
諸書

子  
皇太

立八不罕氏為皇后○立子阿速吉八為皇太子○以子八的麻亦兒間卜嗣封晉王○監察御史宋本。李嘉賓傳起岩言太尉。司徒。司空三公之職多濫設。請罷之。不報○夏四月。帝如上都。帝諭平章政事倒刺沙曰。朕即位以來。無一人執成法為朕言者。知而不言則不忠。且陷人於罪。繼自今凡有所知。宜悉以聞。又曰。凡事防之於小則易。救之於大



張珪言  
八事不  
行

則難。爾其以朕言明告於衆，俾知所慎。  
○太廟新殿成。五月，遷列聖神主于新殿。  
○六月，張珪自大都至，以守臣集議事言逆黨未討，姦惡未除，忠憤未雪，冤枉未理，政令不信，賞罰不公，賦役不均，財用不節，請裁擇之。不報。  
○帝受佛法於帝師。  
○秋八月，帝還大都。  
○秦州成紀縣大水，山崩水溢。  
○冬十月，封親王圖帖睦爾為懷王。  
○十二月，命翰林國

史院修英宗顯宗實錄

懷王出居建康  
乙丑二年春正月，禁后妃諸王駙馬毋通星術之士，非司天臺官不得妄言禍福。  
○中書省臣言江南民貧僧富，諸寺觀田土非宋舊置，并累朝所賜者，請仍舊制與民均役，從之。  
○懷王圖帖睦爾出居于建康。  
○山東廉訪使許師敬請頒族葬制，禁用陰陽相地邪說。  
○三月，頒道經于天下，名山宮觀。  
○帝如上都。



○夏五月旭邁傑等以國用不足請減廐馬汰衛士及節諸王濫賜從之○置諫議書院於昌平祀唐劉蕡○六月中書參政左塔不台言大臣兼領軍務前古所無鐵失以御史大夫也先帖木兒以知樞密院事皆領衛兵如虎而翼故生逆謀自今軍衛之職乞毋以大臣領之庶勲舊之家得以保全從之仍賜幣帛以旌其直○息州民趙丑厮郭菩薩

郭菩薩稱彌勒作亂分天下為十八道

妖言彌勒佛當有天下遂作亂命樞密院及河南行省捕討之○秋九月分天下為十八道遣使宣撫按問官吏不法詢民疾苦審理冤滯凡可以興利除害從宜舉行有罪者四品以上停職申請五品以下就便處決其有政績尤異暨晦跡丘園才堪輔治者具以名聞○令民納粟補官以備賑卹二千石。從七品。正八品。五百石。從九品。三百石。○冬十月皇后赤憐真



八刺受佛戒於帝師○郭菩薩等伏誅  
○十二月鎮南王脫不花卒以中書平  
章乃馬歹攝鎮其地○追封程鉅夫為  
楚國公謚文憲

徵吳澄  
不起

**丙寅**三年春正月徵前翰林學士吳澄  
不起○封諸王寬徹不花為威順王鎮  
湖廣買奴為宣靖王鎮益都○二月帝  
如上都○秋七月命翰林侍講學士阿  
魯威等譯世祖聖訓以備經筵進講○

鹽官州大風海溢壞隄三十餘里遣使  
祭海神不止徙居民千二百五十家○  
九月帝還大都○冬十月賜大天源延  
聖寺鈔二萬錠田千頃中書省臣言養  
給軍民必藉地利世祖建宣文弘教寺  
賜永業當時已號虛費成宗復構天壽  
萬寧寺較之世祖用增倍半若武宗之  
崇恩福元仁宗之承華普慶租權所入  
益又甚焉英宗鑿山開寺損兵傷農而



卒無益。夫土地祖宗所有。子孫當共惜之。臣恐茲後藉為口實。妄興工役。惟陛下察之。帝嘉納。

**丁卯**四年春正月。皇子允丹歲卜。受佛

戒于智泉寺。○二月。進襲封衍聖公孔

思晦嘉議大夫。○三月。以皇子允丹歲

卜出鎮北邊。○廷試進士阿察赤。李黼

等八十五人。賜進士及第出身有差。○

帝如上都。○夏四月辛未。盜入太廟竊

進封衍聖公孔思晦爵

武宗金主及祭器。壬申。作武宗主。以典守宗廟不嚴。罷太常禮儀院官。○高州徭寇電白縣千戶張恒力戰死之。邑人為之立祠。敕賜額曰旌義。○秋七月。建橫渠書院於郿縣。祠宋儒張載。○八月。滹沱河溢。○九月朔。日食。○禁僧道買民田。○閏月。帝還大都。以災變赦天下。○冬。十二月。蔡國公張珪卒。

**戊辰**致和元年九月。文宗改天曆元年春正月。



帝受無量壽佛戒

詔諭百司。凡不赴任及擅離職者奪其官。避差遣者笞之。○二月庚申。詔天下改元致和。○免被災州郡稅糧一年。流民復業者差稅三年。疑獄繫三歲不決者咸釋之。○三月乙卯。帝御興聖殿。受無量壽佛戒于帝師。○戊子。帝如上都。○以趙世延知經筵事。趙簡預經筵事。阿魯威同知經筵事。○以曹元用。吳秉道。虞集。段輔。馬祖常。李木魯。泚等。並兼

帝崩于上都

經筵官

冲翀音

○秋七月。帝崩于上都。壽

三十六

至元十年十月二十九日生

葬起輦谷

**臨江梁氏寅曰**泰定之世災異數見

君臣之間亦未見其引咎責躬之實。然能知守祖宗之法以行。天下無事。號稱治平。茲其所以足稱也夫。

倒刺沙等立皇太子阿速吉八于上都

明宗皇帝

名和世珠。武宗長子。武宗立。以弟仁宗為皇太子。

子命以次傳於帝。武宗崩。仁宗立。議建儲時丞相鐵木迭兒欲



固位取寵。乃立英宗。為皇太子。又與太后幸。臣失烈門。譖帝於兩宮。於是封帝為周王。出鎮雲南。置官屬。遣就鎮。泰定帝崩時。帝遠在沙漠。卒。未幾。帖木兒等立泰定帝子。丞相燕帖木兒等帥兵誅之。迎立帝弟懷王圖帖睦爾。是為文宗。權攝大位。以侯和寧之北。立文宗。為皇太子。未改元。已巳。八月。皇太子文宗來謁。帝宴文宗於行殿。帝暴崩。在位一年。壽三十。文宗按明宗改元。而

今編年以明宗文宗名別之

位一年壽三十。文宗按明宗改元而

謁。帝宴文宗於行殿。帝暴崩。在

改元。已巳。八月。皇太子文宗來

和寧之北。立文宗。為皇太子。未

睦爾。是為文宗。權攝大位。以

立泰定帝子。丞相燕帖木兒等

南。置官屬。遣就鎮。泰定帝崩時

又與太后幸。臣失烈門。譖帝於

文宗皇帝。名圖帖睦爾。武宗次子。海。南。召。還。出。居。建。康。及。泰。定。帝。崩。大。臣。燕。帖。木。兒。迎。立。帝。讓。兄。明。宗。而。已。權。攝。大。位。遣。使。迎。明。宗。于。沙。漠。即。位。于。和。寧。之。北。明。宗。暴。崩。明。宗。復。即。位。于。行。殿。在。位。

五年。壽二十九。

燕帖木兒謀舉兵

八月。僉書樞密院事燕帖木兒留守燕

都。謀舉義兵。號於衆曰。武皇有子二人。

天下歸心。大統所在。當迎立之。不從者

死。時百官集於興聖宮。燕帖木兒率阿



刺帖木兒。孛倫赤等。兵皆露刃。手縛平章烏伯都刺。伯顏察兒。分命勇士執左丞朶朶。參政王士熙。侍御史鐵木哥。脫歡等。皆下之獄。初武宗崩。弟仁宗立。約以次傳於明宗。時丞相鐵木迭兒欲固位取寵。乃與太后幸臣失列門議。立英宗為皇太子。請明宗於兩宮。封明宗為周王。出鎮雲南。置官屬。遣就鎮。官屬謀曰。天下者我武皇之天下。出鎮之事。本

仁宗出  
明宗于  
漠北

非上意。由左右構成。請以事白行省。俾聞之朝廷。庶可杜塞離間。明宗遽與數騎北去。西行至金山西北。諸王聞明宗至。咸率衆來附。遂居北部。及英宗即位。鐵木迭兒復為丞相。懷私固寵。構釁骨肉。諸王大臣莫不自危。中政使咬住告脫歡察兒等交通親王。於是出明宗弟圖帖睦爾于海南。至治三年六月。英宗在上都。謂丞相拜住曰。朕兄弟本無間

英宗出  
文宗于  
海南



隙。曩以小人譖愬，俾居遠方。當亟召還，明正小人離間之罪。未幾，遇弒。而晉王立為皇帝。自瓊州召還，至潭州，復命止之。後數月，乃至京師，封懷王。又命出居建康，以殊祥院使也。先捏掌其衛士，時倒刺沙為相，狡愎自用。災異數見，而明宗兄弟播越南北，人心思之。是年春，泰定帝出畋柳林，以疾還宮。諸王滿禿、阿馬刺台、宗正、札魯忽赤、闊闊出等與燕

帖木兒謀曰：今主上之疾日臻，將往上都。如有不諱，吾黨扈從者執諸王大臣殺之。居大都者，即縛省臺官，宣言太子已至，正位宸極。傳檄守禦諸關，則大事濟矣。三月，泰定帝如上都。滿禿、闊闊出等扈從。西安王阿剌忒納失里居守燕帖木兒，亦留大都。時也先捏私至上都，與倒刺沙謀，弗利於懷王。乃遣人遷懷王居江陵。至是，燕帖木兒謀定，以明宗

燕帖木兒謀迎文宗



遠在沙漠。猝未能至。乃遣人迎明宗弟  
懷王于江陵。且宣言已遣使迎周王。明宗  
于北。以安衆心。密以意諭河南平章伯  
顏。令簡精兵以備扈從。徵諸衛兵屯京  
師。出府庫犒軍士。調兵守禦關要。○甲  
辰。懷王發江陵。庚戌。至汴梁。伯顏等以  
兵扈從。阿速衛指揮使脫脫木兒帥其  
軍自上都來歸。即命守古北口。○壬子。  
上都諸王及用事臣以兵分道侵京畿。

文宗至  
燕都

脫脫木兒帥兵與戰于宜興。臨陣斬其  
詹事欽察。擒平章乃馬台。送京師。誅之。  
諸王失刺敗走。○丙辰。燕帖木兒奉法  
駕郊迎。丁巳。懷王至京師。入居大內。群  
臣勸進。王曰。大兄在北。以長以德。當正  
大位。吾敢紊天序乎。燕帖木兒曰。人心  
向背之機。間不容髮。一或失之。噬臍無  
及。王曰。必不得已。當明著朕意。播告中  
外。而後可也。○九月。壬申。懷王即位於

文宗即  
位改元



大明殿詔改致和元年為天曆元年。詔曰。洪惟我太祖皇帝混一海宇。爰立定制。以一統緒。宗親各受分地。勿敢妄生覬覦。此不易之成規。萬世所共守者也。世祖之後。成宗。武宗。仁宗。英宗。以次相傳。宗王貴戚。咸遵祖訓。至於晉邸。具有盟書。願守藩服。而與賊臣鐵失也先帖木兒等潛通陰謀。冒干寶位。使英宗不幸。罹於大故。朕兄弟播越南北。備歷艱

險。臨御之事。豈獲與聞。朕以叔父之故。順承惟謹。于今六年。災異迭見。權臣倒刺沙。烏伯都刺等。專權自用。變亂祖宗法度。大行上賓。利於立幼。顯握國柄。用成其奸。宗王大臣。以宗社之重。統緒之正。協謀推戴。屬於眇躬。朕以菲德。宜俟大兄。固讓再三。宗戚將相。百僚耆老。以為神器。不可以久虛。天下不可以無主。周王遼。隔朔漠。民庶遑遑。已及三月。誠



文宗大赦天下

上都兵與文宗戰

懇迫切。朕姑從其請。謹俟大兄之至。以

遂朕固讓之心。已於致和元年九月十

三日即皇帝位於大明殿。其以致和元

年為天曆元年。可大赦天下。懷王立。是為文宗。

今按明宗為帝以前。懷王雖已即位。改元。止書其為文宗。而明宗稱帝。及明宗既崩之後。而文宗乃書為帝。

庶二帝之稱。不致相混也。 ○文宗封

燕帖木兒為太平王。以太平路為食邑

○乙亥。上都王禪兵襲破居庸關。將士

皆潰。燕帖木兒軍次三河。與王禪前軍

戰。敗之。追奔至紅橋北。復戰于白浮之

野。燕帖木兒手刃七人于陣。敗之。壬午

大霧。王禪等遁崑山州。收集散亡。復來

戰。燕帖木兒陳于白浮之西。敵不敢逼。

至夜。撒敦脫脫木兒前後夾攻。敗走之。

追及于昌平。斬首數千級。降萬餘人。○

文宗遣使賜燕帖木兒上尊諭。旨曰。丞

相每臨陣。躬冒矢石。脫有不虞。柰何。自

今第以大將旗鼓督戰。可也。對曰。凡戰



上都兵  
入古北口

臣必以身先之。敢後者論以軍法。若委之諸將。萬一失利。悔將何及。○乙酉。上都兵入古北口。其知樞密院事竹溫台。以兵掠石槽。燕帖木兒先遣撒敦倍道趣石槽。掩其不備。擊之。燕帖木兒大軍繼至。轉戰四十餘里。至牛頭山。擒駙馬孛羅帖木兒。平章蒙古塔失。帖木兒等送闕下戮之。將校降者萬人。餘兵奔竄。夜遣撒敦出古北口逐之。○脫脫木兒與

遼東陝  
西兵起

遼東軍戰薊州南。殺獲無算。丁亥。遼東軍抵京師城。燕帖木兒引兵拒之。令京城召募丁壯。乘城守禦。○戊子。上都諸王忽剌台等兵入紫荆關。將士皆潰。○陝西行臺御史大夫也先帖木兒起兵。從大慶關渡河。殺河中府官萬戶徹里帖木兒。軍潰而遁。河東廉訪使萬家閭言徹里帖木兒身為大將。紀律不嚴。望風奔潰。宜加重罰。以示勸懲。不報。河東



上都兵  
逼南城

聞也先帖木兒軍至。官吏皆棄城走也。先帖木兒悉以其黨代之。○冬十月己丑。燕帖木兒引兵至通州。擊遼東軍敗之。遣脫脫木兒將兵四千西援紫荆關。○癸巳。上都諸王忽剌台遊兵進逼南城。燕帖木兒及陽翟王太平國王朶羅台等戰于檀子山之棗林。殺太平。死者蔽野。餘衆宵遁。○乙未。燕帖木兒帥軍循北山西趣良鄉。時諸將與忽剌台阿

剌帖木兒等戰于瀘溝橋。忽剌台被創。聲言大軍至。敵兵皆遁。○中書省臣言於文宗曰。上都諸王大臣不思祖宗成憲。惑於倒剌沙之言。輒以兵犯京畿。賴陛下洪福。王禪遂致潰亡。生擒諸王孛羅帖木兒。及諸用事臣蒙古荅失雅失。帖木兒等。既已明正典刑。宜傳首四方。以示衆。從之。○戊戌。諸將追阿剌帖木兒至紫荆關。獲之。送京師。誅之。禿滿迭



兒軍復入古北口。燕帖木兒引兵禦之。大戰于檀州南。敗之。其萬戶以兵萬人降。秃滿迭兒還遼東。○齊王月魯帖木兒元帥不花帖木兒等以兵圍上都。倒刺沙等奉皇帝寶出降。梁王王禪遁。遼王脫脫為齊王所殺。遂收上都諸王符印。○陝西軍至鞏縣黑石渡。遂據虎牢。我師皆潰。儲仗悉為所獲。河南行省告急。戒有司脩城壁嚴守衛。○陝西軍入武

上都出降

上皇帝  
璽綬

關萬戶楊克忠軍潰。○庚戌文宗御興聖殿。諸王大臣奉上皇帝寶。倒刺沙從至京師。下之獄。○御史臺臣言。近者北兵奪紫荆關。官軍潰走。剽掠保定之民。本路官與故平章張珪子景武等率其民擊死官軍也。先捏不俟奏聞。輒擅殺官吏及珪五子。珪父祖三世為國勲臣。設使珪子有罪。珪之妻女又何罪焉。今既籍其家矣。又以其女歸也。先捏誠非



毀顯宗室

國家待遇勲臣之意。文宗曰。卿言是也。命中書革正之。○中書省臣言。凡有罪者。既籍其家貲。又沒其妻子。非古者罪人不孥之意。今後請勿殺人妻子。從之。○元帥也速荅兒。執湘寧王八刺失里。送京師。八刺失里及趙王馬扎罕諸王。忽刺台。承上都之命。各起所部兵南侵冀寧。還次馬邑。至是被執。以其所俘男女千人。各還其家。○毀顯宗室。并順宗

盜殺太尉

祔右穆第二室。成宗祔右穆第三室。武宗祔左昭第三室。仁宗祔左昭第四室。英宗祔右穆第四室。○加封漢關羽為顯靈義勇武安英濟王。遣使祠其廟。○盜殺太尉不花。初不花乘國家多事。率衆剽掠。居庸以北。皆為所擾。至是盜入其家殺之。有司當盜以死罪。刑部議以為不花不道。衆所聞知。幸遇盜殺。而有司隱其殘剽之罪。獨以盜聞於法不當。



中書以聞。文宗嘉其議。○也。先捏兵至武安也。先帖木兒以軍降河東州縣。聞之。盡殺其所署官吏。陝西兵進逼汴梁。聞朝廷傳檄罷兵。乃解去。○監察御史撒里不花。張士弘等言。朝廷政務。賞罰為先。功罪既明。天下斯定。國家近年自鐵木迭兒竊位擅權。假刑賞以遂其私。綱紀遂紊。迨至泰定。爵賞益濫。比以兵興。用人甚急。然而賞罰不可不嚴。夫功之

朝廷賞  
罰為先

高下過之。重輕皆係天下之公論。願命有司務合公議。明示黜陟。功罪既明。賞罰攸當。則朝廷肅清。紀綱振舉。而天下治矣。文宗嘉納之。○鐵木哥兵入襄陽。官吏皆遁走。知縣谷廷珪。主簿張德死之。○遷泰定后雍吉刺氏于東安州。○荆王也速也不干。遣使傳檄至襄陽。鐵木哥引兵走。○文宗遣哈敦迎大兄周王於漠北。○倒刺沙伏誅。磔其屍于市。

文宗遣  
使迎明  
宗於沙  
漠



王禪亦賜死。紐澤撒的迷失也。先帖木兒皆棄市。○十一月。四川行省平章囊加台自稱鎮西王。殺平章寬徹等。稱兵燒絕棧道。○竄也。先捏于南寧。以御史臺臣言其所至。擅殺官吏。俘掠子女貨財。詔刑部鞫之。籍其家。杖而竄之。命其妻歸父母家。○復遣治書侍御史撒迪內侍不顏禿古思奉迎大兄周王於朔漠。諸王皆勸王南還。遂發北邊諸王察阿

復迎明  
宗于朔  
漠

台元帥朶列捏等咸帥師扈行。舊臣孛羅尚家奴哈八兒禿皆從。至金山嶺北。乃命孛羅如京師。兩京之民聞使者至。歡呼鼓舞曰。吾天子實自北來矣。諸王舊臣爭先迎謁。所至成聚。○加謚唐司徒顏真卿為正烈文忠公。令有司以時致祭。○十二月。封西安王阿剌忒納失里為豫王。賜南康路為食邑。○加伯顏為太保。知樞密院事。



明宗即  
帝位于  
和寧之  
北

巳巳天曆二年春正月乙丑文宗復遣  
中書左丞躍里帖木兒迎周王乙酉撒  
迪等至入見周王於行幄以文宗命勸  
進丙戌周王即皇帝位于和寧之北是  
明遣撒迪還京師帝命之曰朕弟曩嘗  
觀書史通者得無廢乎聽政之暇宜親  
賢士大夫講論史籍以知古今治亂得  
失卿等至京師當以朕意諭之○二月  
辛卯文宗御大明殿立雍吉刺氏為皇

后○癸巳文宗遣翰林侍講學士曹元  
用祀孔子於闕里○文宗立奎章閣學  
士院于京師謂廷臣曰撒迪還言大兄  
巳即皇帝位凡二月二十一日以前除  
官者速與制敕後凡銓選其詣行在以  
聞遂遣人以奎章除目來奏帝並從之  
○三月辛酉文宗遣右丞相燕帖木兒  
奉皇帝寶于帝行在所復命有司奉金  
千五百兩銀七千五百兩幣帛各四百

奉寶于  
明宗



明宗諭  
燕帖木兒

足。詣行在所。所以備賜予。謂廷臣曰。寶璽  
既北上。繼今國家政事。其遣人聞于行  
在所。○夏四月。癸巳。燕帖木兒見帝於  
行宮。率百官上皇帝寶。帝嘉其功。拜太  
師。仍命為中書右丞相。開府儀同三司。  
上柱國。錄軍國重事。監脩國史。荅刺罕。  
太平王。並如故。復諭之曰。凡京師百官  
朕弟所用者。並仍其舊。卿等其以朕意  
諭之。燕帖木兒奏曰。陛下君臨萬方。國

家大事。所繫者中書省。樞密院。御史臺  
而已。宜擇正人居之。帝然之。○以武宗  
舊人哈八兒禿為中書平章政事。前中  
書平章伯帖木兒知樞密院事。常侍字  
羅為御史大夫。是日帝宴諸王大臣于  
行殿。特命臺臣曰。太祖常敕臣下云。美  
色名馬。人皆悅之。然方寸一有繫累。即  
能壞名敗德。卿等居風紀之首。亦嘗念  
及此乎。世祖初立御史臺。首命塔察兒

帝諭臺  
臣



奔帖傑兒二人協司其政。天下國家譬猶一人之身。中書則右手也。樞密則左手也。左右手有病。治之以良醫。省院闕失。不以御史臺治之。可乎。凡諸王百司違法越禮。一聽舉劾。風紀重。則貪墨懼。猶斧斤重。則入木深。其勢然也。朕有闕失。卿亦以聞。不爾責也。○辛丑。文宗立。都督府于大都。遣使來奏。又以臺憲官除目來上。帝並從之。○癸卯。遣使如大

帝立文  
宗為皇  
太子

都卜日。命中書左丞相鐵木兒補化。攝告即位于郊廟社稷。○遣武寧王徹徹禿及平章哈八兒禿立文宗為皇太子。仍立詹事院。罷儲慶司。○乙巳。監察御史言於帝曰。嶺北行省。控制一方。廣輪萬里。實太祖開基之地。國家根本繫焉。方面之寄。豈可輕任。平章塔剌吉素非勲舊。奴事倒刺沙。起宿衛而至平章。年已七十。眊昏尤甚。右丞馬謀本晉邸部



民以女妻倒刺沙。遂除左丞。郎中羅里市井小人。禿魯忽乃晉邸衛卒。不諳政務。並宜黜退。帝曰。御史言甚當。其並黜之。又諭臺臣曰。御史言嶺北省臣。朕甚嘉之。繼今所當言者。毋有所憚。○庚子。命燕帖木兒選用嶺北行省官吏。○辛亥。詔諭中書省臣。凡國家錢穀銓選大事。先啓皇太子。然後以聞。○鐵木兒補化以久旱啓皇太子辭相位。乞更選賢

皇太子  
如北迎  
帝

德。委以燮理。皇太子遣使以聞。帝諭侍臣曰。脩德應天。乃君臣當為之事。鐵木兒補化所言良是。天明可畏。朕未嘗斯須忘于懷也。皇太子來會。當共圖其澤民利物者行之。○六月。皇太子發京師北迎帝。次于大口。又次香水園。庚戌。次上都六十里店。陝西行臺御史孔思迪言人倫之中。夫婦為重。比見內外大臣得罪就刑者。其妻妾即斷付他人。似與



朝廷旌表貞節之旨不侔。夫亡終制之令相反。况以失節之婦配有功之人。又與前賢所謂娶失節者以配身是已。失節之意不同。今後凡負國之臣籍沒奴婢財產不必罪其妻子。當典刑者則孥戮之。不必斷付他人。庶使婦人均得守節。請著為令。皇太子從之。○秋七月丙辰朔日食。○監察御史把的于思言朝廷自去秋命將出師。戡定禍亂。其供給

請節用  
省費

軍需賞賚將士所費不可勝紀。若以歲入經賦較之。已過數倍。况今諸王朝會舊制一切供億俱尚未給。而陝西等處饑饉荐臻。餓莩枕籍。加以冬春之交。雪雨愆期。麥苗槁死。秋田未種。民庶遑遑流移者衆。臣伏思之。此正國家節用之時也。如果有功必當賞賚者。宜視其官崇卑而輕重之。不惟省費。亦可示勸。其近侍諸臣奏請恩賜。宜悉停罷。以紓民力。



帝嘉納之。仍敕中書省以其所言示百

司。○八月乙酉朔。帝次于王忽察都之

地。○丙戌。皇太子來見。是日宴皇太子

及諸王大臣于行殿。帝暴崩。年三十。大

德四年庚子十一月十

即位。謚大行皇帝。曰翼獻景孝皇帝。廟

號明宗。國語曰護都督皇帝。○大赦天

下。○以伯顏為中書左丞相。○中書省

臣言曰。祖宗故事。即位之初。必恩賚諸

帝暴崩于行幄

皇太子文宗復即位

王百官。比因兵興。經費不足。請如武宗之制。凡金銀五錠以上。減三之一。五錠以下。全畀之。又以七分為率。其二分準時值。給鈔。制曰可。○遣欽察台先還京師。經理政務。○燕帖木兒留上都。監給恩賚金幣。○以仁宗。英宗。潛邸宿衛士二百人。還大都。備直宿。○以馬札兒台為上都留守。馬札兒台前為陝西行臺御史。坐塗毀詔書得罪。至是以其兄伯



顏有功。故特官之。○加封大都城隍神。為護國保寧王。○賜鳳翔府岐陽書院額。祀周文憲王。仍命設學官。春秋釋奠。如孔子廟儀。○九月。帝還大都。○改潛邸所幸諸路名。建康曰集慶。江陵曰中興。瓊州曰乾寧。潭州曰天臨。○以張養浩為西臺御史中丞。尋卒。養浩。濟南人。自幼有行義。勤學業。由臺省掾為堂邑尹。毀淫祠三十餘。有李虎者。為民害。前

張養浩為御史

尹莫詰。竟寘諸法。武宗時。拜監察御史。上疏萬餘言。當國者不能容。改授翰林待制。復搆以罪。罷之。仁宗延祐初。為禮部侍郎。知貢舉。進士詣謁。皆不納。但使人戒之曰。諸君子。但思報効。奚勞謝為。歷陝西侍御史。入為中書右司郎中。改禮部尚書。至是。為御史中丞。時關中大旱。民相食。既聞命。即散家之所有。以與鄉里貧乏者。登車就道。遇飢者賑之。死



張養浩  
禱雨賑  
貧

者瘞之。經華山。禱雨嶽祠。泣拜不能起。天忽陰翳。一雨二日。及到官。復禱于社壇。大雨如注。水三尺乃止。禾黍自生。秦民大喜。時米價騰踊。鈔昏即不可得米。養浩以倒換之艱。乃檢庫中未燬昏鈔。得一千八十五萬五千餘緡。悉印其背。又刻十貫五貫為券。給貧民。命米商視印出糶。詣庫驗數。以易鈔。於是吏弊革。又率富民出粟。為奏補官。到官四月。未嘗家

張養浩  
卒

居。止宿公署。夜禱于天。晝出賑飢。無少怠。每一念至。即撫膺慟哭。遂得疾。卒年六十。關中民哀之。如失父母。贈功臣號。平章政事。上柱國。追封濱國公。謚文忠。養浩嘗著書三卷。一曰廟堂忠告。二曰風憲忠告。三曰牧民忠告。言居官之道。子引拜南臺御史○命翰林奎章諸儒。臣準唐宋會要。輯本朝典故。名曰經世大典。○史惟良上疏曰。今天下郡邑被災者衆。



請澆  
濫

國家經費若此之繁。帑藏空虛。生民凋  
瘵。此正更新百廢之時。宜遵世祖成憲。  
汰冗濫蠶食之人。罷土木不急之役。事  
有不便者。咸釐正之。如此。則天災可弭。  
禎祥可致。不然。將恐因循苟且。其弊彌  
深。治亂之由。自此而分矣。帝嘉納之。○  
誅也。先捏○建顏子廟于曲阜所居陋  
巷。○命江西湖廣分漕米四十萬石。以  
紓江浙民力。○加封天妃為護國庇民

廣濟福惠明著天妃。賜廟額曰靈慈。遣  
使致祭。○冬十一月。改封鎮南王帖木  
兒不花為宣讓王。初鎮南王脫不花卒。  
子孛羅不花幼。命帖木兒不花襲爵。孛  
羅不花既長。帖木兒不花請以王爵歸  
之。乃特封宣讓王。以示褒寵。

**庚午**至順元年春正月。命趙世延趙世  
安纂修經世大典。○二月。以修經世大  
典久無成功。專命奎章閣阿憐帖木兒

命纂脩  
經世大  
典



忽都魯都兒迷失等譯國言所紀典章  
為漢語。纂修則趙世延、虞集等。而燕帖  
木兒監脩如國史例。奎章閣學士忽都  
魯都兒迷失。及撒迪、虞集辭職。帝諭之  
曰。昔我祖宗睿知聰明。其於致理之道。  
自然生知。朕以統緒所傳。實在躬躬夙  
夜憂懼。自惟蚤歲。跋涉艱阻。視我祖宗。  
既乏生知之明。於國家治體。豈能周知。  
故立奎章閣。置學士員。日以祖宗明訓。

諸王禿  
堅據雲  
南反

古昔治亂得失。陳說於前。使朕樂於聽  
聞。卿等其推所學以稱朕意。其勿復辭。  
○加封秦蜀郡太守李冰為聖德廣裕  
英惠王。其子二郎神為英烈昭惠靈顯  
仁祐王。○諸王禿堅據雲南以叛。攻陷  
重慶路。殺廉訪司官。執左丞忻都等。禿  
堅自稱雲南王。以伯忽為丞相。阿木忽  
刺忽等為平章等官。立城柵。焚倉庫。以  
拒命。○封明宗子亦璘質班為郕王。○



無反音夫。○以伯顏知樞密院事。依前太保錄軍國重事。詔諭中書省臣曰。昔在世祖以宰相一人總領庶務。故治出於一。政有所統。今燕帖木兒為右丞相。伯顏知樞密院事。左丞相其勿復置。○三月。封皇子阿剌忒納荅刺為燕王。○廷試進士。賜篤烈圖。王文燁等九十七人。及第。出身有差。○祔明宗神主于太廟。○夏五月。帝御大明殿。燕帖木兒率文武百

百官上  
帝尊號

烏蒙羅  
羅斯叛

官上尊號曰欽天統聖。至德誠功。大文孝皇帝。是日改元至順。○帝如上都。○烏蒙土官祿余殺烏撒宣慰司官吏。降于伯忽羅羅斯。諸蠻俱叛。與伯忽相應。平章帖木兒不花為其所殺。四川行省兵討雲南。至雪山峽。遇羅羅斯軍擊敗之。○立行樞密院。以徹里帖木兒知院事。探馬赤教化為同知副使。發朶甘思朶思麻及鞏昌等處軍萬三千人。討雲



南徹里帖木兒同鎮西王搠思班等由四川教化從豫王阿剌忒納失里由八番分道進軍○羅羅斯土官撒加伯合烏蒙蠻兵攻建昌雲南右丞躍里帖木兒拒之斬首四百級四川軍亦敗撒加伯于蘆古驛○秋七月中書省臣言近歲帑廩空虛其費有五曰賞賜曰作佛事曰創置衙門曰濫冒支請曰續增衛士鷹坊請加汰減從之○加封孔子父

加封聖賢爵秩

齊國公叔梁紇為啓聖王母魯國太夫人顏氏為啓聖王夫人顏子充國復聖公曾子邠國宗聖公子思沂國述聖公孟軻鄒國亞聖公河南伯程顥豫國公伊陽伯程頤洛國公○羅羅斯土官撒加伯及阿陋土官阿刺里州土官阿荅以兵八千撤毀棧道遣把事曹通潛結西番欲據大渡河進寇建昌四川行省調碣門安撫司軍七百人成都等處諸



屯兵千人。令萬戶周戡統領。直抵羅羅斯界。以控扼西番及諸蠻部。又遣萬戶皆定遠以軍五千。同邛部知州馬伯所部蠻兵會周戡等從便進討。○躍瞿里帖木兒兵屯建昌。執曹通斬之。○八月。帝還大都。○冬十月。帝致齋于大明殿。辛酉祀昊天上帝于南郊。以太祖皇帝配。○賜伯夷叔齊廟額曰聖清。每歲春秋祀以少牢。○雲南禿堅伯忽等勢愈

祀南郊

遣兵討雲南

猖獗。烏撒祿余亦乘勢連約烏蒙東川諸蠻。欲寇順元。遣使趣四川雲南兵進討。四川平章塔出引兵由永寧。左丞字羅引兵由青山。諸部並進。陳兵周泥驛。及祿余等戰。殺蠻兵三百餘人。祿余衆潰。奪其關隘。以通順元諸軍。○羅羅斯撒加伯烏撒阿荅等合諸蠻萬五千攻建昌。躍里帖木兒等引兵追戰于木托山下。敗之。斬首五百餘級。○以董仲舒



子  
立皇太

從祀孔子廟。位列七十子之下。○十  
二月。立燕王阿剌忒納荅刺為皇太子。  
監察御史言。昔裕宗由燕邸而正儲位。  
世祖擇耆舊老臣如王顯、姚燧、蕭燾等  
為之師保賓客。今皇太子仁孝天成。誠  
宜慎選德望老成。學行純正者。俾之輔  
導於左右。以弘養正之功。實宗社生民  
之福也。帝嘉納之。○湖南嶺北道經歷  
范楫卒。楫字德機。清江人。楫天資穎異。

清江范  
楫卒

雖癯然清寒。若不勝衣。而卓然自樹於  
流俗外。家居養親。固窮守節。耽詩工文。  
用力精詣。人罕知者。年三十六始客京  
師。即有聲諸公間。中丞董士選延之家。  
塾。以朝臣薦為翰林編修。秩滿。除海南  
海北道廉訪司照磨。巡歷遐僻。風波瘴  
癘無所憚。所至興學教民。雪理冤滯。遷  
江西湖東道。又改福建閩海道知事。天  
曆二年授是官。卒年五十九。其所為詩



東漢君子

文多傳於世。四任佐風憲。謹身守法。不可干以私。䟽食水飲。泊如也。吳澄誌其墓。以為特立獨行之士。可方東漢諸君子。蓋非虛美云。○以十月郊祀禮成。大赦天下。

**辛未**二年春正月。權仁德府官曲木。糾集義兵討雲南。敗伯忽賊兵于馬龍州。殺其弟拜延。又戰于馬金山。獲伯忽及其弟伯顏察兒。及其黨拜不花。卜顏帖。

皇太子卒

木兒等十餘人誅之。餘賊兵皆潰。獨祿余猶據金沙江。詔進兵討之。○皇太子阿刺忒納荅刺卒。○鎮西武靖王搠思班。豫王阿刺忒納失里等討雲南。與躍里帖木兒等同進兵。躍里帖木兒倍道兼進。遂奪金沙江。大兵與阿禾軍遇。戰敗之。阿禾竄走。大兵直趨中慶。遇賊兵于安寧州。再戰又敗之。擒阿禾。誅於軍前。大兵將抵中慶。賊兵拒戰于伽橋古。



敗靈南

壁口。躍里帖木兒左頰中流矢洞耳後。拔矢復戰。大捷。遂復行省治。諸軍皆會。駐于城中。分兵追捕殘賊于嵩明州。○建五福太一宮于京城乾隅。敕每歲四祭五福太一星。乾隅。西北方也。○張氏神。以二百二十五年行五宮。自乾而艮。艮而巽。巽而坤。坤而中宮。而又入乾。每宮住四十五年。所至之宮降福。是年在乾宮。○司徒香山言陶弘景胡笳曲有負屨飛天曆終是甲辰君之語。今陛下生年紀號。正與之合。

翰林議  
胡笳曲  
之誕

此實受命之符。乞錄付史館。頒告中外。詔令翰林集賢奎章禮部諸臣議之。翰林臣議以謂唐開元間。太子賓客薛讓進武后鼎銘云。上玄降鑒。方建隆基。為玄宗受命之符。姚崇表賀。請宣示史官。頒告中外。而宋儒司馬光斥其采偶就之文。以為符瑞。乃小臣之諂。而宰相實之。是侮其君也。今弘景之曲。雖於生年紀號若偶合者。然陛下應天順人。紹隆



正統于今四年。薄海內外。罔不歸心。固無待於旁引曲說。以為符命。從其所言。恐啓讖緯之端。非所以定民志也。事遂寢。○豫王阿剌忒納失里。鎮西武靖王。搠思班。擒雲南賊首也。木干等及諸將。校悉誅之。磔其尸。以徇。磔。音責。裂也。陟格。反。謂裂其肢體而雲南平。○夏五月。纂脩皇朝經世大典成。○帝如上都。○秋七月。藝文少監歐陽玄言。先聖五十四世孫襲封衍

雲南平

聖公。爵最五等。秩登三品。而用四品銅印。於爵秩不稱。詔鑄從三品銀印給之。○以雲南平。惟祿余懼罪竄伏。降詔曲赦之。○封伯顏為浚寧王。仍前太保。知樞密院事。○八月朔。日食。○帝還大都。御史臺劾奏四川參政馬鎔。發糧餉雲南軍。中道輒還。預借俸鈔以娶妾。又詬罵平章汪壽昌。罪雖蒙宥。難任宰輔。帝曰。綱常之理。尊卑之分。懵無所知。其何



順元 祿余寇

以居上而臨下。亟罷之。○九月。祿余寇順元路。雲南行省遣都事那海奉詔往諭之。及授以參政制命。祿余拒不受。蒙古都元帥怯列引兵擊阿禾餘黨於靖江海中山。為雲梯登山。破其柵。殺賊五百餘人。禿堅之弟必刺都古豕失。舉家赴海死。○十一月朔。日食。○雲南行省言亦乞不薛之地。所牧國馬。歲給鹽。以每月上寅日啖之。則馬健無病。比因伯

請定立 省親假期

忽叛亂。雲南鹽不可到。馬多病死。詔令四川行省以鹽給之。○詔養燕帖木兒子塔刺海為子。賜居第及貲產。○十二月。河北道廉訪使僧家奴言。自古求忠臣必於孝子之門。今官於朝十年。不省覲者有之。非無思親之心也。由朝廷無給假省親之制。而有擅離官次之禁。古律諸職官父母在三百里。於三年聽一給定省假二十日。無父母者。五年聽一



給拜墓假十日。以此推之。父母在三百里。以至萬里。宜計道里遠近。定立假期。其應省覲。匿而不省覲者。坐以罪。若詐冒假期。與詐奔喪者同科。臺臣以聞。命中書省禮部刑部及翰林集賢奎章閣議之。

**壬申**三年春正月。加封孔子妻鄆國夫人。并官氏為大成至聖文宣王夫人。○印造歲額鈔本。至元鈔九十九萬六千

降祿余請

錠。中統鈔四千錠。○祿余言于四川行省。自父祖世為烏撒土官。宣慰使佩虎符。素無異心。曩為伯忽誘脅。比聞朝廷招諭。而今限期已過。乞再降詔赦。即率四路土官出降。仍乞改屬四川省。隸永寧路。冀得休息。四川行省以聞。詔諸大臣議之。○邛州有二井。舊名曰金鳳。茅池。天曆初地震。鹽水湧溢。州民侯坤願作什器煮鹽。而輸課於官。詔四川鹽運



地震有聲

追封顏子父母及妻

司主之○三月皇子古刺荅納更名燕帖古思○夏四月太寧路地震○五月京師地震有聲○太常博士王瓚言各處請加封神廟濫及淫祠按禮經以勞定國以死勤事能禦大災能捍大患則祀之其非祀典之神今後勿許制曰可○白虹並日出長竟天○追封顏子父無繇為杞國公謚文裕母齊姜氏杞國夫人謚端獻妻宋戴氏充國夫人謚貞

素○秋八月乙巳天鼓鳴于東北○巳酉隴西地震是日帝崩壽二十九宗大成

德八年甲辰正月癸亥生葬起輦谷○元統元年謚

曰聖明元孝皇帝廟號文宗國語曰札

牙篤皇帝○後至元六年六月以帝謀

為不軌使明宗飲恨而崩詔除其廟主

放燕帖古思于高麗而卒文宗子也

寧宗皇帝名懿璘質班明宗次子母乃蠻氏自明宗崩文

宗復即位封在位月餘壽七歲

帝崩



寧宗

帝尋崩

冬十月庚子帝即位于大明殿大赦天下先是文宗崩于上都皇后以文宗遺命傳位明宗子時妥懽帖睦爾出居靜江帝以文宗眷愛之篤留京師太師太平王右丞相燕帖木兒請立帝以繼大統於是遣使徵諸王會京師至是即位中書百司政務咸啓中宮取進止○十一月戊寅尊皇后曰皇太后○壬辰帝崩年七歲葬起輦谷○後謚曰

冲聖嗣孝皇帝廟號寧宗

順皇帝

名妥懽帖睦爾明宗之長子也母罕祿魯氏名邁來

迪明宗為周王居朔北過其地納之生帝初帝被讒於文宗移居廣西及即位性柔少斷伯顏哈麻相繼弄權朝政日紊自後群盜蜂起稱彌勒佛治世迭與迭滅朝廷命將自為仇敵連年攻擊帝復不悟迎西番僧行運氣之術教宮女作天魔之舞不恤政事荒於淫樂致群雄割據稱帝稱王垂二十一年曆數屬于四海九州六合復歸于一統矣

大明

在位三十六年壽五十一宗以仁



祐七年庚申四月  
生戊申年而國亡

**癸酉**元統元年夏六月己巳帝即位于

上都大赦天下初文宗崩燕帖木兒請

於文宗后立太子燕帖古思后不從命

立寧宗寧宗崩燕帖木兒復請立燕帖

古思后曰吾子尚幼安懼帖睦爾在廣

西今年十三矣且明宗之長子禮當立

之乃命中書右丞闊里吉思迎帝于靜

江至良鄉具鹵簿以迓之鹵盧古反天

帝即位  
于上都

第。謂之鹵簿。自秦漢始有其名。鹵大楯也。所以捍敵。部伍之次。皆著之簿。故曰

鹵簿。或曰以大楯統一部之人。故名曰

鹵簿。有大駕法駕小駕大駕公卿奉引。

太僕御屬車八十一乘。作三行。尚書御

史乘之。備千乘萬騎。祀天用之法。駕則

京兆尹奉引。牧守參乘屬車三十六

乘。北郊明堂用之。小駕祀宗廟用之。

帖木兒既見帝。並馬徐行。具陳迎立之

意。帝幼且畏之。一無所答。於是燕帖木

兒疑之。故至京久不得立。遷延者數月。國事皆決於燕帖木兒。奏皇后而行之。俄而燕帖木兒死后。乃與大臣立帝。且



燕帖木兒荒淫而死

曰萬歲後其傳位於燕帖古思○燕帖木兒死

**臨江梁氏寅曰**燕帖木兒欽察氏以

誅倒刺沙迎立文宗之功封太平王。文宗再即位命獨為相以尊異之。自秉大權以來挾震主之威肆意無忌。一宴或宰十三馬取泰定后為夫人。前後尚公主四十人。有交禮三日遽遣歸者。後荒淫益甚。體羸溺血而死。

其死也。順帝乃獲即位

以伯顏為太師中書右丞相上柱國撒

立皇后

敦為太傅左丞相○八月立伯牙吾氏

為皇后燕帖木兒之女○冬十月詔改至順四

年為元統元年○放罪囚二十七人依

太后行年之數○封撒敦為榮王食邑廬州○

唐其勢襲封太平王○追謚文宗為聖

明元孝皇帝國語曰札牙篤皇帝○封

伯顏為秦王是日秦州山崩地裂○詔

封伯顏秦王秦山崩地裂



秦王伯顏榮王撒敦統百官總庶政○  
廣西徭寇湖南入道州千戶郭震戰死  
○遣省臺官分理天下囚罪狀明白者  
處決。寃者辨之。疑者讞。語蹇反。之。淹滯  
者罪其有司

兩血于  
汴

**甲戌**二年春正月庚寅朔兩血于汴梁著  
衣皆赤○二月詔內外興舉學校○三月  
詔科舉取士○廣西徭賊復起殺同知元  
帥吉烈思掠庫物遣右丞禿魯迷失將

湖廣旱

兵討之○贈吉烈思官令其子襲職○  
益都真定盜起中書省臣請選官往督  
捕之仍募有能擒獲者倍其賞獲三人  
者與一官從之○湖廣旱自是月不雨  
至于八月○夏四月朔日食○奉文宗  
神主祔于太廟躬行告祭之禮先是御  
史臺臣言郊廟國之大典王者必行親  
祀之禮從之○以許從宗為章佩監異  
珎庫提點帝嘉許衡輔世祖以不殺一



天下特錄其孫從宗○中書省臣言佛事布施費用大廣請除累朝期年忌日之外餘皆罷從之○河南旱自是月不雨至于八月○五月以唐其勢代撒敦為左丞相撒敦仍商議中書省事○贈故中書平章政事王泰亨謚清憲舊制三品以上官立朝有大節及有大功勳於王室者得賜功臣號及謚時寢冗濫失實惟泰亨在中書時安南求佛書乞

河南旱

贈賜雙節廟

以九經賜之使高麗不受禮遺為尚書貧不能自給故特賜此謚○贈漳州萬戶府知事闕文興英毅侯妻王氏貞烈夫人廟號雙節初文興從軍漳州與妻王氏偕行至元十七年陳吊眼作亂攻漳州文興帥兵與戰死之王氏被掠義不受辱給賊曰俟葬吾夫即汝從也賊許之遂負屍還積薪焚之火既熾即自投火中死至是事聞特加褒贈立廟祀



星變地震

之○唐其勢辭左丞相不拜。復命撒敦為左丞相○秋七月己酉夜有流星大如酒杯其色赤約長五尺餘光明燭地起自天津没于離宮之南○自是月至九月太白屢經天○八月京師地震雞鳴山崩陷為池方百里人死者甚衆○九月帝還大都○冬十月上皇太后尊號曰贊天開聖仁壽徽懿昭宣皇太后赦天下免今年田租之半○禁私羽寺

觀菴院僧道入錢五十貫給度牒方聽出家

林 諫 畋 柳

乙亥至元元年春正月帝將畋于柳林

御史臺臣諫曰陛下春秋鼎盛宜思文皇付託之重致天下於隆平况今赤縣之民供給繁勞農務方興而馳騁冰雪之地倘有銜檠之變柰宗廟社稷何遂

止檠其月反漢司馬相如傳中道而馳或斷車鉤心或○夏四月帝如上都○出則必致傾敗



唐其勢  
謀逆伏  
誅

遣使者詣曲阜孔子廟致祭○五月伯  
顏以右丞相讓唐其勢詔不允○六月  
唐其勢及其弟塔刺海謀不軌伏誅伯  
顏執皇后伯牙吾氏幽於別所初撒敦  
已卒撒敦燕帖木兒之弟其子唐其勢代為左丞  
相伯顏為右丞相獨用事唐其勢忿曰  
天下本我家天下也伯顏何人而位居  
吾上遂潛蓄異心與其從父答里撒敦  
弟之謀援立所親諸王晃火帖木兒木兒郟王

伯顏弒  
后

徹徹禿發其謀至是唐其勢伏兵東郊  
率勇士突入宮闕伯顏率完者帖木兒  
等掩捕獲唐其勢與其弟塔刺海誅之  
其黨北奔答里所追討擒之○秋七月  
伯顏弒皇后伯牙吾氏于開平民舍初  
唐其勢被擒攀拆殿檻不肯出塔刺海  
走匿皇后坐下后蔽之以衣左右曳出  
斬之血濺后衣伯顏使人并執后后呼  
帝曰陛下救我帝曰汝兄弟為逆豈能



相救耶。乃遷后出宮。尋醜之於開平民舍。○誅答里及其黨刺刺等于市。晃火帖木兒自殺。○罷左丞相不置。○八月。議尊皇太后為太皇太后。參知政事許有壬諫以為非禮。不聽。○九月。帝駐扼胡嶺。御史臺臣言國初宦官不過數人。今內府執事不下千餘。乞依舊制裁減。冗濫廣仁愛之心。省糜費之患。從之。○帝還大都。○以馬札兒台為太保。分樞

密院鎮北邊。馬札兒台。伯顏之弟也。議進其爵封為王。辭曰。兄封秦王。弟不宜並為王。故有是命。○冬十月。流晃火帖木兒。答里。唐其勢子孫於邊地。○監察御史呂思誠等十九人。劾奏中書平章徹里帖木兒之罪。不聽。皆辭去。○十一月。詔罷科舉。初。徹里帖木兒之在江浙也。會行科舉。驛請考官。供張甚盛。心不能平。故其入中書也。以罷科舉為第一

詔罷科舉



事。伯顏從其言。遂奏罷之。○下詔改元。其略曰。惟世祖皇帝在位長久。天人協和。諸福咸至。祖述之意。良切朕懷。今特改元統三年為至元元年。大赦天下。○十二月乙丑。上太皇太后尊號曰贊天開聖徽懿宣昭貞文慈祐儲善衍慶福元太皇太后。

禁服  
異等服

丙子二年春正月。宿松縣地震。山裂。○二月。追尊生母邁來迪為貞祐徽聖皇。

后。○夏四月。禁服麒麟。鸞鳳。白兔。靈芝。雙角。五爪龍。萬壽。福壽。字赭黃等服。○帝如上都。○五月。黃河復故道。○南陽鄧州大霖雨。自是月乙卯。至六月甲申。湍河白河大溢水為災。○秦州山崩。○禮部侍郎忽里台請復科舉取士之制。不聽。○秋七月。敕賜上都孔子廟碑。載累朝尊崇之意。○八月朔。日食。○江浙自春至于是月不雨。民大饑。○九月。帝

江浙旱  
饑



還大都○冬十二月江州諸縣饑總管王大中貸富人粟以賑貧民而免富人雜徭以為息約年豐以本還之民不病饑

朱光卿反

**丁丑**三年春正月廣州增城縣民朱光卿反其黨石崑山鍾大明率眾從之偽稱大金國改元赤符命指揮狗札里及江西左丞沙的討之○帝獵于柳林凡三十五日監察御史丑的宋紹明進諫

婺州路以金仁

山語孟攷證來上

帝嘉納之賜以金幣丑的等固辭帝曰昔魏徵諫唐太宗未嘗不賞汝其受之○婺州路總管府以金華儒人金履祥所著論語孟子考證來上命刊行之其門人東陽許謙序之曰聖賢之心盡在四書而四書之義備於朱子顧其立言辭約意廣讀者咸得其粗而不能悉究其義或以一偏之致自異而初不知未離其範圍世之詆訾貿亂務為新奇者



其弊正坐此耳。此金先生考證之所由作也。始余三四讀。自以為瞭然。已而不能無惑。久若有得。覺其意初不與已異。愈久而所得愈深。與已意合者。亦大異於初矣。童而習之。白首不知其要領者。何限。可以易心求之哉。履祥字吉甫。號仁山。謚文安。所著有考證。及尚書表註。通鑑前編行于世。○二月朔日食。○陳州人棒胡反於汝寧。奉彌勒佛。以妖言惑衆。

陳州棒胡反

立皇后

作亂。寇歸德府。焚陳州屯營於杏崗。命河南左丞慶童率兵討之。○三月立弘吉刺氏為皇后。后名伯顏忽都。武宗宣慈惠聖皇后之姪。毓德王孛羅帖木兒之女也。○夏四月。有星孛于王良。至七月沒于貫索。○禁漢人南人高麗人不得執持軍器。凡有馬者拘入官。○帝如上都。○合州大足縣民韓法師反。自稱南朝趙王。命四州參政舉理等討捕之。○

合州韓法師反



惠州歸善縣民聶秀卿譚景山等造軍器拜戴甲為定光佛與朱光卿相結為亂命左丞沙的就捕之○詔省院臺部宣慰司廉訪司及郡府幙官之長並用蒙古色目人○禁漢人南人不得習學蒙古色目文字○五月民間訛言朝廷拘刷童男童女一時嫁娶殆盡○詔汝寧捧胡廣東朱光卿等皆係漢人漢人有官於省臺院及翰林集賢者可講

禁習蒙古文字

彗星見歷十五宿而滅

誅捕之法以聞○西番賊起殺鎮西王子党兀班以也先帖木兒為行宣政院使討之○丁卯彗星見於東北大如天船星色白約長尺餘彗指西南至八月庚午凡六十四日自昴至房歷十五宿而滅○六月大霖雨自辛巳至癸巳不止京師河南北水溢没人畜廬舍甚衆○秋七月河南武陟縣禾將熟有蝗自東來縣尹張寬仰天祝曰寧殺縣尹毋傷



百姓。俄有黑鷹群飛。啄食之。○狗札里沙的。擒朱光卿。及石崑山。鍾大明。送京師。誅之。○八月。壬午。京師地大震。至丁亥方止。所損人民甚衆。○河南地震。○帝還大都。○冬。十月。金華處士許謙卒。初謙聞仁山金履祥講道蘭江上。委已而學焉。履祥曰。士之為學。若五味之在和。醯鹽既加。則酸鹹頓異。子來見我已三日。而猶夫人也。豈吾之學無以感發

金華處士許謙卒

於子耶。謙聞之。惕然。時履祥年七十。而謙年三十有一矣。履祥嘗告之曰。吾儒之學。理一而分殊。理不患其不一。所難者分殊耳。謙由是致其辨於分之殊。而要其歸於理之一。又曰。聖人之道。中而已矣。謙由是事事求夫中者而用之。履祥既歿。謙益肆充闡。多所自得。自謂吾非有大過人。惟為學之功無間斷耳。謙制行甚嚴。而所以應世者。不膠於古。不

學無間斷



學者翕然從之

流於俗。介而不矯。通而不隨。身在草萊。而心存當世。素志冲澹。以道自樂。浙東憲府聞謙名。而不察其志。辟以為掾。避弗就。肅政廉訪使劉庭直舉茂才異等副使。趙宏偉舉遺逸。亦皆固辭。趙宏偉在南臺。命除舍館。迎致謙。將使衆僚多士。有所矜式。謙欣然為之起。而不久留也。謙既東還。以目眚倦於應接。屏迹八華山中。學者翕然羸糧筭書而從。

教人以五性人倫為本

居再歲。以兄子喪而歸。戶屨尤多。遠而幽冀齊魯。近而荆揚吳越。皆百舍重趼而至。謙之教。以五性人倫為本。以開明心術。變化氣質為先。以為己為立心之要。以分辨義利為處事之制。至誠諄悉。內外殫盡。嘗曰。己或有知。使人亦知之。豈不快哉。或有所問難。而辭不能自達。則為之言其所欲言。而解其所惑。討論講貫。終日無倦。攝其粗疎。入於密微。聞



者方傾耳聽受。而其出愈真切。惰者作之。銳者抑之。拘者開之。放者約之。為學者師垂四十年。著錄迨千餘人。隨其才分。咸有所得。達官富人之子。望閭而驕。氣自消。踐庭而禮容自飭。四方之士。以不及門為恥。搢紳先生。至於是邦。必即其家存問焉。謙素多疾。先是金履祥病革。徒步往省之。會大雪。中寒濕。及奔兄環。喪於廣信。疾增劇。不良於行。疾少間。

正衣冠  
而卒

而神更清茂。至是疾復作。謂其子元曰。伯兄以是月二十三卒。我死殆與之同日乎。及是日正衣冠而坐。戒元以孝於母。友於弟。元復請所欲言。謙曰。吾平日訓爾多矣。至此復何言。門人朱震亨進曰。先生視稍偏矣。謙更肅容端視。頃之視微瞑。遂卒。年六十八。門人以義制服者若干人。因其自號題其墓曰白雲先生。謙字益之。所著有讀四書叢說二十



卷詩名物鈔八卷讀書傳叢說六卷觀  
史治忽幾微若干卷皆行于世後謚曰

文懿

**義烏黃氏潛曰**聖賢不作師道久廢

逮二程子起而倡聖學以淑諸人朱  
子又溯流窮源折衷群言而統一其歸  
由是師道大備文定何公基既得文公

朱子之傳於其高弟文肅黃公榘而

文憲王公柏於文定則師友之文安

婺之四  
先生統  
緒相傳  
而大顯

金公履又學於文憲而及登文定之

門者也三先生婺人學者推原統緒

必以三先生為朱子之世適文懿許

公出於三先生之鄉而克任其承傳

之重三先生之學卒以大顯于世然

則程子之道得朱子而復明朱子之

太至許公而益尊文懿許公之功大矣

自七月至十一月太白屢經天○十二

月伯顏請殺張王李劉趙五姓漢人帝



不從

**戊寅**四年春正月。以地震赦天下。詔內

外廉能官。父母年七十無侍丁者。附近

銓注以便侍養。○二月。帝獵于柳林。○

奉聖州地震。○三月。命平章阿吉刺監

修至正條格。○夏四月。京師大雨紅沙。

晝晦。○河南執棒胡送京師誅之。○帝

如上都。暮至八里塘。雨雹大如拳。其狀

有小兒環玦獅象龜卵之形。○命佛家

修至正  
條格

夏雨雹

邵武大  
水

山崩日  
食地震

間為考功郎中。喬林為考功員外郎。魏

宗道為考功主事。考校天下郡縣官屬

功過。○六月。袁州周子旺反。僭稱周王。

偽改年號。尋擒誅之。○信州路靈山裂

○邵武路大雨。水入城郭。平地深二丈

○漳州南勝縣民李志甫反。圍漳州。守

將擗思監與戰。失利。詔江浙平章別不

花。總浙閩江西廣東軍討之。○秋七月。

鞏昌府山崩。壓死人民。○八月朔。日食



○丙子。京師地震。日二三次。至乙酉乃止。○帝還大都。○冬。十二月。太白屢經天。

**己卯**五年。夏。四月。帝如上都。○加封孝女曹娥為慧感靈孝昭順純懿夫人。○

汀州大水

六月。汀州長汀縣大水。平地深三丈餘。沒民廬舍八百家。壞民田二百頃。戶賑鈔半錠。死者一錠。○秋。七月。常州宜興山水溢。勢高一丈。壞民廬舍。○自是月

至九月。太白屢經天。○冬。十月。禁倡優盛服。許男子裹青巾。婦人服紫。不許戴笠乘馬。○命伯顏為大丞相。加元德上輔功臣之號。賜七寶玉書。龍虎金符。○十一月。開封杞縣人范孟。偽傳帝旨。殺河南省平章月祿帖木兒。左丞劫烈。廉訪使完者不花等。尋捕誅之。○十二月。瑞州路新昌州兩水冰。至明年二月始解。○伯顏構陷郟王。奏賜死。帝未允。輒



傳旨行刑。復奏貶宣讓。威順二王。不待旨而行。帝益忿之。

貶黜伯顏

**庚辰**六年春二月。詔貶伯顏為河南省左丞相。初伯顏贊帝率循舊章。停土木營造。頗多善政。兄弟賜各刺罕之號。既誅唐其勢獨秉國鈞。專權自恣。變亂祖宗成憲。虐害天下。漸有奸謀。帝患之。伯顏所領諸衛兵。以燕者不花為屏蔽。導從之盛。填溢街衢。而帝側儀衛反落。落如晨星。其從子脫脫深憂之。私請於父馬札兒台曰。伯父驕縱已甚。萬一天子震怒。則吾族赤矣。曷若於未敗圖之。其父亦以為然。復懷疑久未決。質之於其師吳直方。直方曰。傳有云。大義滅親。大夫但知忠於國耳。餘復何顧焉。一日見帝。乘間自陳忘家徇國之意。帝猶未之信。時帝之左右前後。皆伯顏所樹置親黨。獨阿魯。世傑。班為帝腹心。帝乃遣

大義滅親

阿魯。世傑。班為帝腹心。帝乃遣



脫脫謀  
黜逐伯  
顏

二人與脫脫遊。日以忠義之言相與往復論難。益知其心無他。遂聞于帝。帝始無疑。及伯顏擅貶宣讓。威順二王。帝不勝其忿。決意逐之。以語脫脫。脫脫歸與直方謀之。直方曰。此宗社安危所繫。不可不密。議論之際。左右為誰。曰。阿魯及脫脫木兒。直方曰。子之伯父。挾震主之威。此輩苟利富貴。其語一泄。則主危身戮矣。脫脫乃延二人于家。置酒張樂。晝

夜不令出。至是伯顏請帝出獵。脫脫勸帝毋往。伯顏固請。乃令太子燕帖古思獵于柳林。脫脫與世傑班阿魯合謀。以所掌兵及宿衛士拒伯顏。拘京城門鑰。命所親信列布城門下。其夜奉帝御玉德殿。召近臣汪家奴沙刺班及省院大臣先後入見。出五門聽命。是夜二鼓遣二十騎取太子入城。又召錢唐楊瑀及江西范匯入草詔數伯顏罪狀。詔成夜



已四鼓。命中書平章只兒瓦反。賈赴柳林。其略曰。伯顏專權自恣。欺朕年幼。變亂成憲。危害天下。其黜為河南行省左丞相。黎明。伯顏使人至城下。問故。脫脫倨城門上。宣言有旨。黜丞相一人。諸從官無罪。可各還本衛。伯顏請乞。陞辭不許。遂行道出真定。父老奉酒以進。伯顏問曰。汝曾見子殺父事耶。父老曰。不曾見子殺父。惟曾見臣殺君。伯顏俛首有

脫脫知  
樞密院  
事

伯顏死  
于驛

慙色。○以馬札兒台為太師。中書右丞相。塔失海牙為太傅。塔馬赤為太保。脫脫知樞密院事。汪家奴為中書平章政事也。先帖木兒為御史大夫。○已酉。有星孛于房。星大色白。狀如粉絮。尾跡約長五寸餘。彗指東南。漸向西北。行至三月庚辰。凡三十二日而滅。○漳州義士陳君用。襲殺反賊李志甫。以君用同知漳州路總管府事。○詔徙伯顏於南恩



除撤文  
宗廟主

州陽春縣安置。伯顏行至龍興路驛舍而死。○夏四月。帝如上都。○六月丙申。撤文宗廟主。徙太皇太后文宗於東安州安置。放太子燕帖古思於高麗。監察御史言燕帖古思不宜放逐。不聽。○燕帖古思未至高麗。中道為從臣月闊察兒所弒。○秦州成紀縣山崩地拆。○秋七月甲寅。詔封殷微子仁靖公。箕子仁獻公。比干加封仁顯忠烈公。○戊午。以

遷其后  
放其子

命修至  
正條格

星文示異。地道失寧。蝗旱相仍。頒罪已詔於天下。○命翰林承旨腆哈奎章閣學士夔夔等刪修大元通制為至正條格。○八月。帝還大都。○詔今後有罪者。母籍其妻女以配人。○禁色目人勿妻其叔母。○冬十二月。追尊皇考為順天立道睿文智武大聖孝皇帝。親裸大室。○處士吳萊卒。直方萊不仕。居深裏山中。窮經史。以著述為務。善論文。嘗云。作

吳萊卒



策善論  
友

文如用兵。兵有正有奇。正者法度如部  
伍分明是也。奇者不為法度所縛。千變  
萬化。坐作擊刺。一時俱起。及其欲止。部  
伍各還其隊。元不曾亂。聞者服之。黃潛  
柳貫咸稱重之。策年四十四而卒。門人  
私謚之曰淵穎先生。

資治通鑑節要續編卷之二十九



